

中國地方志集成

省志輯·雲南 ③

民國新纂雲南通志(一)

鳳凰出版社●上海書店●巴蜀書社

新纂雲南通志卷首

新纂雲南通志序一

夫人羣進化之跡文物因革之制其得失利病是非曲直治亂興衰之原史籍傳焉乃能視千載猶日暮邦國如是方域亦然周官外史掌四方之志後世則有地理圖經行省通志以及府廳州縣志之屬體例愈備一方之掌故萃集一篇詳民情察方俗應興應革何取何舍國史之所不及者徵方志無以資考鏡也滇雖文化之開較中原爲後然自遷固之書即有紀述晉則南中志纂自常璩唐則雲南志作於樊綽元有李京雲南志略明代洪武景泰兩修圖經彭綱周鳳李元陽包見捷劉文徵等皆有志及志草之作清代官修通志康熙乾隆道光緒成書凡五私著如倪銳演雲歷年傳王崧道光志新纂雲南通志

鈔及備徵志師範演繫等書炳炳麟麟文獻固足徵也然而治史者往跡堪珍今獻尤要須隨時增修始見其全且典籍之傳播天災人事皆足以相斲厄即如明修雲南諸志多爲清代修志者所未見閱於古而顯於今較其異以考其實網羅放佚踵事增華豈非後起之責哉 謬膺簡命寄任封疆桑梓之邦敬恭之所受命以還兢業從事既綏靖閭閻修養生息復以整齊文獻振導學風爲不可或忽之要務爰於民國二十年秋延聘通儒重修省志劍川周君惺甫實主其事三進賢後分任纂修定凡例廣徵採萃精華懷鉛提筆鉅細弗遺繼周君入贊中樞復延劍川趙君星海呈貢秦君璞安先後主持修訂迄今歲夏乃全部殺青都二百六十六卷擷明清十餘種舊志之要採實事求是治史之法紹述前修成茲宏製洵快事也間常謂

吾滇自莊蹻開疆蒙世傳南詔大理相繼建國元明清代設置行省上下二千餘年恆與中原呼吸相通有綦切之關係民國而後護國靖國諸役滇人所靖獻於國家者其勳烈尤度越乎前代是知滇之史實即國之史實也其徵信之史料惟就地搜集爲易今新纂通志編年爲記紀事爲考依人立傳佐以圖表振筆直書言皆有據庶可以備國史之採擇乎緬懷鄉賢或以經文緯武之資爲國棟樑或以法言躬行之德垂範鄉里張叔盛覽李恢呂凱諸公遐焉邇矣近世如楊文襄公安定社稷師表一世嚴恭肅公廉介不阿勤政恤民鄭和探險家也蕭崇業外交家也龍在田畢金科楊玉科軍事家也毛用成王伯舉以直諫傳薛爾望錢南園以氣節著趙玉峯劉寄庵程月川以吏治稱以及王樂山吳鼎堂之治經王時五師勞屏之治

新纂雲南通志

卷首

二

史李復齋何丹畦蘭泉之完心理學皆國中有數人物讀志中各種列傳叢傳足使百世之下頌廉而懦立豈管邇於中原哉且滇位邊陲爲西南屏障氣候溫和物產豐富自抗戰軍興既發動全省人力物力爲捍衛之資而戰後之建設則無論於文化於經濟於農礦工商各種生產事業必將以滇省爲復興之要地而無疑況吾國實施憲政爲期非遠完成地方自治以後誠如建國大綱所示均權之制有全國一致之性質者劃歸中央有因地制宜之性質者劃歸地方權責既專致力乃易雖爲地方亦即所以爲國由是而言因地制宜之方則將有取於志乘通志於天文氣象地理交通物產等均列考而備載之更詳及社會民生實業等部門足資參稽就其因革之關係以與實際比勘而互証之效用斯宏是則修茲通志非僅作典

籍觀而吾人所以盡力於桑梓者其任重其事繁而實責無旁貸也
書既付印爰書所見於篇首殆爲修志諸君子所同感也夫

中華民國三十三年十月昭通龍雲

新纂雲南通志序二

雲南古荒服地素稱僻遠然俯瞰中州雄據上游有高屋建瓴之勢
自莊蹻王滇以始皇之強不能夷爲郡縣漢武當全盛之時威震四
夷乃得撫而有之武鄉侯將北征必先定南中以爲根本迄於唐
四裔賓服中葉失馭遂使南詔稱雄凌轢巴蜀宋不敢有論者惜之
元人問鼎中原首取雲南以扼其背明小腆亦據之以延祚者十餘
年雲南雖僻遠乎語其形勢關係大局之重爲何如也民國以還護
國之役尤以一隅繫全局安危抗日之師亦以雲南爲反攻基地歷
觀往事雲南詎可妄自菲薄哉昔長白英奎序光緒雲南通志謂滇
爲大有爲之地志亦大有用之書允哉斯言夫方志者所以紀一方
之往事以備國史之要刪覘國者重視其國史亦必重視其方志雲

南之與國家其關係之重既如彼則通志之纂修詎容輕心掉之考
記載演事之書以常璩南中志樊綽蠻書爲最古然僅大輅之有椎
輪耳不得云方志也雲南有志當自元李京志略始有明一代洪武
景泰正德中歷有纂輯復有李元陽包見捷劉文徵謝肇淛諸先正
之私家著述體裁漸明備矣清則康熙雍正道光光緒經纂修者五
次而以道光志較稱完善光緒兩志又加董理考往事者多取資焉
嗣是而後時閱數十年未經續纂世界大通民國肇造變動既劇紀
述宜詳乃於民國二十年開館重修釐爲二編一自雲南文化初開
至清宣統三年止一自民國初元訖晚近止前者即名爲新纂雲南
通志後者則稱雲南通志長編前編成書計二百六十六卷卷帙既
繁殺青不易計自三十三年九月付印以幣值日落未能早日竣工

既主省政悉其委折乃籌專款嚴考成勸限至三十七年年底完
成不得違延今既竣工矣全書共六百四十八萬二千七百餘字表
五百三十篇地圖一百九十八張插圖七十八張如此龐然鉅製自
我觀成欣幸何如因略述纂修及付印始末以見成書之不易抑詳
近略遠爲治史通則民國以還雲南所負國家責任之重亦遠超前
史今所成者尙僅前編甚望後編亦早告成與當世相見也雲南省
政府主席昭通盧漢序時民國三十八年二月五日

新纂雲南通志序三

中國史籍肇源最古載筆之體流別亦繁國史而外又有方志周官
方志掌於外史而柱下有百二十國實書所以紀一方之掌故備國
史之要刪當時國別爲史亦稱春秋其始以志名書者則首推常璩
華陽國志厥後地方郡縣志乘寢多吾滇之有志書自元李京志略
始而事屬草創舉無足觀經明清兩代屢續纂修規制漸備然自岑
唐兩志成書後迄今已五十餘年其間國體既有變更治化亦多演
進而公私紀載尙付闕如民國十九年省政府既有意續修滇志適
內政部有籌設通志館咨文乃謹譔與省府各委員先行籌備事
宜並延聘滇中通儒共相商榷以爲方志之作其體史也其用則
政書也一方宜詳考歷代文化遞嬗之跡象以爲徵文考獻之資一

方宜備載民情風土之所宜以爲施政廨民之鑑故收羅必廣記載
必周庶幾彰往察來可裨實用爰本斯旨相與參稽舊志博採羣書
釐定體裁擬訂例目對於舊志略有修正舉其大要約有數端一舊
志首錄詒諭特重皇言今政體攸殊無庸別崇體制天文分野雖沿
禮經而地限九州實難徵信山川古蹟舊志多附載詩文然多流連
風景之詞無關典要其有可資考證者宜依類敘入各門凡屬浮言
悉從刪削不獨以省篇幅亦志例宜然也一馬班著史功在八書十
志君卿貴與擴爲典考漁仲之畧尤具精識歷朝典制不難參稽而
志書中之足爲政治考鏡者亦具在於此今庶政革新已非前入方
志所分建置經政諸門所能賅括且舊志標目間有紛糅宜於新舊
制度詳加審度另列體系使與現制相符庶治具畢張而因革損益

有所依據一紀傳之興肇於史漢稱名作傳爲世表坊舊志人物多專列姓名夾注事蹟此章實齋所譏摘比之類書詞人之雜纂者也今宜人編列傳事具首尾仍參酌各志分列名宦名賢忠節孝友宦蹟武功儒林文苑列女寓賢諸目專傳彙傳巨細靡遺庶前人之立德功言者可以並傳不朽一演中文學自漢代張叔盛覽首開其先而許叔尹珍之倫均以傳經著稱於世後漢元和中興起學校文教益廣唐宋失馭蒙段偏據一隅古代藝文遂至湮沒然漢時蘭津唐最諸歌爲聲詩之始蜀漢呂凱答雍闓檄文詞茂美上薄西京即南詔時驃信與清平官遊避風臺賦詩而趙叔達楊奇鯁等之斷句殘篇見於他書者亦不無可誦之作惜其時聲教睽隔著述闕焉無聞及元明復歸版籍各省人士亦多入演文學蔚興駁駁與中原比伍

新纂雲南通志

卷一百一十五

二

舊志藝文一門演人著述之書阮志著錄者六百九十五部唐志著錄者一千二百七十九部阮志並於著述書目備載解題則當時專集流傳亦當不少乃乾隆年間四庫全書館徵求遺書演撫李右江中丞得演中先賢遺著匿不上聞而漫以演屬邊荒並無著述覆奏使演人文藝不獲與於冊府著作之林民國初年輯刻雲南叢書迄今殺青者已數百種復有演詩叢錄演文叢錄之輯與叢書相輔而行先哲鉅製鴻篇已燦然可睹故今志藝文專載目錄仍仿劉錄班志之例並爲提要以闡明作者之大旨庶不至文獻無徵也其餘義例具見凡例及分類綱目中體例既明乃從事編纂惟是志書之成非可臆撰采摭益備則撰述益可翔覈然官司案牘既叢雜而難稽所徵集於地方者又多疏舛而不得體要志材既缺纂輯益難賴編

纂諸賢博采勤搜彌歷數年始成初稿適奉命入參內政遽離志館未竟厥緒趙君改甫續爲整理復經秦君璞安與編審諸君詳加修訂至是而新修雲南通志乃告成書省府主席龍公志舟飭司籌資付諸剞劂並屬爲之序言竊謂纂修方志自古爲難宋元明清以來各省志乘雖多而爲時稱誦者亦屈指可數其踳駁猥濫者無論矣即深明史例夙號專家者及今觀之亦尙難免後人訾議茲者阮文達督滇時以碩學魁儒監修滇志甫定篇端未幾移節兩粵及志書成而文達以爲難出衆手尙待裁擇名爲志稿未敢進呈岑襄勤戡平演亂留意典章設局採訪分曹編輯勸爲一書及會典館行文咨取而崧督黃撫以爲事迹多據傳聞政典亦多缺略乃綜前志另加編排今新修志書幾經審慎亦冀補前人之闕集各家之長

新纂雲南通志

卷一百一十五

三

然後之視今亦猶今之視昔則拾遺匡謬尙有待於來茲至徇情阿好徵文曲筆之弊吾知免矣

中華民國三十四年六月周鍾嶽撰

新纂雲南通志序四

中華民國三十二年六月龍志舟主席爲完成雲南志稿特設通志

審訂委員會聘 爲主任委員 以年老學荒再三辭謝未獲允許

廼與張 繆 方 姜 梁 于 六委員分別審查闕者補之複

者刪之意所未愜者考訂而修正之懷鉛提槧昕夕不遑竭九閱月

之力始克歲事蓋皆反覆披閱而知此次新纂志稿有特點五項試

略述之舊志體例李志分十二類劉志十四類阮岑唐三志各分十

三類均以性質爲區別本志仿章實齋湖北通志例按文字體裁分

記圖表考傳五篇與舊志分類迥然不同執簡馭繁別開生面其特

點一也鄂志之師旅考阮岑唐三志之戎事門專紀武功於古今大

事未能包舉劉志范志雖有沿革大事考然亦語焉不詳本志首列

大事記詳考史籍用編年體裁紀載本省大事始唐堯元載迄清季

止分爲上古中古近古三代演雲歷史一覽瞭然其特點二也舊志

天文僅載星野以二十八宿分配中國識者多譏其謬而祥異氣候

亦不能解釋其理由本志天文考專就星象授時之有記載者分別

列表並加以科學之說明其光象旋風水汽氣候物候等則列爲氣

象考天文地文判然分明其特點三也雲南跨溫熱兩帶地廣山多

物產豐富舊志列入食貨分晰未精本志設物產一門分動物植物

礦物諸目照科學分類詳加說明使人知重視天然物品資源開發

肯視乎此其特點四也滇處西南極邊自越淪於法緬陷於英遂居

國防上重要地位清季以來外人勘界通商傳教游歷交涉日繁唐

志所紀洋務尙嫌簡略本志列外交一門依據中央外交部成案本

省交涉署檔案將歷來外交要件勒爲專篇以資後來借鏡前車不

遠來軫方適其特點五也以上五項皆其舉犖大者其他因時制宜

革舊從新者不一而足蓋當科學昌明與社會複雜之際非博採資

料擴充門類無以破宿昔之固陋導人士以開明豈故爲立異哉亦

應時勢之需要不能不如此耳綜計此次新志工作歷十餘寒暑經

營慘澹文省事增成書二百六十六卷此固由於龍主席之毅力主

持周館長之悉心籌畫編纂諸君子之竭慮殫精分工協力乃成此

龐大之著作也回憶十餘年前通志館開幕時 曾應龍主席周館

長約編纂名宦時體力尙強亦嘗根據舊志博證旁參補其缺而正

其誤今老矣精力就衰矣復得與審訂諸委員朝夕稽補苴罅漏

暮年光陰仍致力於鄉邦文獻秉燭之明亦有差堪自信者矣志稿

既成行將付印同人屬 爲序迺敘述新志特點與前後編纂審訂

之經過俾後之人得以考焉

中華民國三十三年秋七月呈貢秦光玉序於昆華圖書館之樸學

齋

新纂雲南通志纂修職名

監修

雲南省政府主席 龍雲

雲南省政府主席 盧漢

籌備
民國二十年
二月至八月

新纂雲南通志籌備處主任 周鍾嶽

籌備 員 張維翰

籌備 員 陸崇仁

籌備 員 龔自知

籌備 員 張邦翰

籌備 員 繆嘉銘

新纂雲南通志
纂修職名

顧 問 陳 价

顧 問 馬金墀

顧 問 孫光庭

顧 問 宋嘉俊

顧 問 錢用中

顧 問 秦光玉

顧 問 袁嘉穀

顧 問 由雲龍

顧 問 顧視高

顧 問 吳 琨

顧 問 李 增

顧 問 熊廷權

顧 問 蕭瑞麟

幹 事 方樹梅

幹 事 何秉智

庶 務 蕭俊炯

設館

第一期
民國二十年九月
至二十四年十月

新纂雲南通志館館長 周鍾嶽

副館長兼編纂 趙式銘

編纂 袁嘉穀

編纂 由雲龍

新纂雲南通志
纂修職名

編纂 宋嘉俊

編纂 顧視高

編纂 吳 琨

編纂 金天羽

編纂 錢用中

編纂 秦光玉

編纂 李根源

編纂 熊廷權

編纂 蕭瑞麟

編纂 張華瀾

編纂 張士麟

助	助	助	分	分	分	分	分	分	分	分	分	分	分	分	編	編	編	編	編	編	編	纂
理	理	理																				
編	編	編																				
輯	輯	輯	纂	纂	纂	纂	纂	纂	纂	纂	纂	纂	纂	纂	纂	纂	纂	纂	纂	纂	纂	纂
莊永華	張鳳岐	李士厚	夏光南	李永清	李毓茂	曹恆鈞	陳洪勳	陳玉科	何作樹	陳秉仁	三	何秉智	方樹梅	解永年	繆爾紆	金在鎔	王楨	丁兆冠	華封祝	張鴻翼	徐之琛	馬驥

新纂雲南通志

卷首 纂修職名

三

副	新纂	編	編	副	新纂	事	事	事	事	事	事	校	校	校	幹	幹	繪	繪	助
館	雲南	審	審	館	雲南	務	務	務	務	務	務	對	對	對	事	事	圖	圖	理
長	通志	員	員	館	通志	員	員	員	員	員	員	對	對	對	事	事	員	員	編
趙式銘	周鍾嶽	何秉智	方樹梅	趙式銘	周鍾嶽	沈耀光	陳席珍	趙適	施恆	王伯敷	丁澤	周廷鈔	劉洪	李葵萼	何秉智	方樹梅	沐繼文	孫桂	輯
																			所

新纂雲南通志

卷首 纂修職名

四

第二期 民國二十六年六月
至二十七年十月

第三期 民國二十七年十一月
至二十八年五月

繼任館長	趙式銘
編審	繆爾紆
編審	方樹梅
編審	何秉智
編審	方國瑜
編審	劉楚湘
校對	覃寶珖
事務員	寇敷
審訂 民國三十三年三月	
新纂雲南通志審訂委員會主任委員 秦光玉	
常務委員 梁之相	
新纂雲南通志 卷首 纂修職名	
審訂委員	張華淵
審訂委員	繆爾紆
審訂委員	姜寅清
審訂委員	方國瑜
審訂委員	于乃義
助理編輯	周均
助理編輯	孫仁
助理編輯	陳延
助理編輯	施子愉
助理編輯	張在川
校對	張澍

校對	郭從光
校對	許端毅
校對	于蘭芬
幹事	彭才志
幹事	周鴻炤
幹事	馮世良
新纂雲南通志 卷首 纂修職名	
六	

新纂雲南通志刊印紀略

新纂雲南通志全部二百六十六卷分訂一百四十冊雲南省政府前主席龍公志舟開館纂修今主席盧公永衡籌款印製由編纂以迄竣工幾十有八年而其間尤以刊印工艱料鉅尤稱困難溯自民國三十四年一月經省府決議印費由省企業局開支刊印由雲南印刷局（本公司成立後改組為雲南印刷廠）負責先後領獲工料費國幣捌千萬元即已着手購料檢排嗣以幣值貶落不敷應用遂告擱置三十六年六月本公司成立董事長盧公永衡提議由公同墊撥印費印製八百部嚴促雲南印刷廠勒限竣事本公司於三十七年先後撥交該廠印製專款國幣八十四億三千五百八十二萬零九百元積極準備工料並遵本公司董事會議決案採用川連

新纂雲南通志 刊印紀略

史紙八開排印於是年三月開工全力趕印本公司並派員監製同年十月復經董事會議決承印通志應付工資改用包工制每篇以次白米價折算計食米三公斗一升每圖計食米六公石九斗以資確定工價自改行包工制後按月核發工資工作效率增加平均每日排印達五十篇惟自三十七年八月十九日政府改革幣制發行金元券後券價不斷急劇貶值半年之間米價由每公石金元券一百五十元增至六千元本公司支付款額愈鉅然以通志刊印事關全省文化仍勉力籌款繼續趕印加緊督飭本年四月後工資食米又改以滇鑄半開銀幣折算迨全書印製完竣綜計印製時間自本公司負責籌印起以至完成凡一年又五月所印正文地圖書亮銅版四項共領工資食米四千九百六十公石零一斗四升材料款共

領國幣八十四億三千五百八十二萬零九百元金圓券二十三萬五千元半開銀幣一萬一千五百元此外現據印刷廠報告尚有先後數年該廠墊付材料費員工獎金及遣散費機器折舊營業利潤等費共半開銀幣四萬八千五百三十七元當茲國事擾攘金融財政兩俱竭蹶之際本公司以發揚本省文化服務桑梓為心不計犧牲毅然斥此鉅資刊印日夕督促卒底於成刊印既竣爰誌紀略並書督印職銜姓名於冊使後之讀者有所省覽焉

督印職銜姓名

董事長

常務董事

新纂雲南通志 刊印紀略

新纂雲南通志 刊印紀略

二

盧漢
繆嘉銘

楊天理

楊立德

范承樞

楊家麟

馬鈺

徐繼祖

李一平

徐繩祖

繆嘉銘

金龍章

趙樹

董事會秘書

總經理

副總經理

協理

祕書室主任

范承樞
楊青田

人事室主任

張克誠
趙康節

設計室主任

孔憲書
嚴繼光

會計室主任

李光澄

新纂雲南通志校印職名

校印
民國三十四年十二月
三十八年七月

新纂雲南通志校印處處長

梁之相

總校

朱昌

總校

何鑑

分校

鄒仲良

分校

趙百川

分校

吳文玲

分校

趙宗祥

分校

毛文魁

辦事員

楊震東

印刷局經理

段雄飛

印刷局經理

陳廣雅

工業部主理

李集全

工業部主理

李鏡涵

印刷廠經理

聶體仁

總廠主理

梁景熹

總務課長

張一農

會計課長

鄧建侯

材料課長

張公亮

出納員

張崇實

出納員

周培珍

銅模保管員	鐫字技師	銅版問領班	裝釘問領班	石印問領班	鉛印機問領班	鉛印機問領班	檢排問領班	鑄字問領班	工務助理員	工務助理員	材料保管員	材料保管員	會計助理員	會計助理員	會計員	會計員	會計員	稽務查員	事務助理員	事務員	事務員
戴兆恭	顧漢光	何應濤	鄭生才	王肇祥	李松林	沈開林	張炳	崔順安	喻添舒	姚家懷	王嘉璇	錢鴻濤	施蓮芳	王留春	李錦雲	張謙	彭起	王斌	羅鴻發	鄧體仁	黃叔安

新纂雲南通志

卷四 職官職名

二

製圖員	吳錫福	製圖員	董雲波	製圖員	馮啓明	鑄字問技士	李世華	鑄字問技士	張振良	鑄字問技士	李興	鑄字問技士	趙繼雲	助理技士	戴朝貴	鑄字問技士	張麟昌	鑄字問技士	徐應濤	秦學田	陸本義	王明著	楊耀廷	周家聰	胡景星	楚耀南	劉文俊	栗永安	余文華	王正福	鄭家祥
圖	圖	圖	圖	圖	圖	字	字	字	字	字	字	字	字	理	理	字	字	字	字	字	字	字	字	字	字	字	字	字	字	字	字
技	技	技	技	技	技	技	技	技	技	技	技	技	技	技	技	技	技	技	技	技	技	技	技	技	技	技	技	技	技	技	技
士	士	士	士	士	士	士	士	士	士	士	士	士	士	士	士	士	士	士	士	士	士	士	士	士	士	士	士	士	士	士	士
間	間	間	間	間	間	間	間	間	間	間	間	間	間	間	間	間	間	間	間	間	間	間	間	間	間	間	間	間	間	間	間
技	技	技	技	技	技	技	技	技	技	技	技	技	技	技	技	技	技	技	技	技	技	技	技	技	技	技	技	技	技	技	技
士	士	士	士	士	士	士	士	士	士	士	士	士	士	士	士	士	士	士	士	士	士	士	士	士	士	士	士	士	士	士	士
排	排	排	排	排	排	排	排	排	排	排	排	排	排	排	排	排	排	排	排	排	排	排	排	排	排	排	排	排	排	排	排
檢	檢	檢	檢	檢	檢	檢	檢	檢	檢	檢	檢	檢	檢	檢	檢	檢	檢	檢	檢	檢	檢	檢	檢	檢	檢	檢	檢	檢	檢	檢	檢

新纂雲南通志

卷四 藝文志

三

新纂雲南通志

卷四 職官職名

三

新纂雲南通志凡例

雲南有志肇始於元之李京然止志略四卷明洪武十四年命儒臣纂雲南志明史藝文志著錄洪武二十九年西平侯沐英又命王景常撰雲南圖經志書景泰時陳文等增修得十卷厥後周季鳳撰正德雲南志李元陽撰雲南通志包見捷有通志草劉文徵有滇志謝肇淛有滇略遞及清代康熙二十九年總督范承勳監修雲南通志成書三十卷雍正七年總督鄂爾泰重修成書卷數與范志同道光六年總督阮元復倡修雲南通志成書二百一十六卷光緒九年總督岑毓英監修通志體例一仍阮志成書二百四十二卷光緒二十二年總督崧蕃又命唐炯重修成書二百卷迄今歷數十年未經續纂一省掌故紀載闕如自民國肇造國體更新政治典章已多變革新纂雲南通志

卷一 凡例

舊志體例未能相沿者甚多故本志分爲二編一自雲南文化初開截至清宣統三年止參攷舊志補闕訂訛勒成一書計二百六十六卷一自民國初元起網羅事實別具長編分別纂修以爲新志

上述元明以來各舊志惟清季各志版本完全前明正德略一種早年徵獲至如陳文景泰雲南圖經志書周季鳳正德雲南志李元陽雲南通志劉文徵滇志四種不但近世未見即清季修志時亦未之見也此次纂修新志始先後由江蘇任鳳苞借鈔李纂通志北平圖書館借鈔景泰圖經正德雲南志又由中央研究院

借鈔得北京大學所藏晒印本劉文徵滇志皆爲本志重要之參攷資料文內凡引用上列各舊志於陳文景泰圖經志書簡稱景泰志或稱圖經周季鳳正德雲南志簡稱正德志或稱周志李元陽雲南

通志簡稱萬曆志或稱李志劉文徵滇志簡稱天啓志或稱劉志范承勳雲南通志簡稱康熙志或稱范志鄂爾泰雲南通志簡稱雍正志或稱鄂志阮元雲南通志簡稱道光志或稱阮志岑毓英雲南通志簡稱光緒志或稱岑志唐炯續雲南通志稿簡稱光緒續志或稱唐志

周官外史其職久廢地方志乘肇始圖經然止略載山川封域而已至宋周應合景定建康志分圖表誌傳四篇體例較前完備清謝啟昆纂廣西通志分典表略錄傳五篇阮元纂廣東通志一仍其例厥後黃彭年纂輿輔通志分記表略錄傳王軒纂山西通志分圖譜考略記錄章學誠纂湖北通志分記圖考表略傳又別爲掌故詩文徵兩書皆直省通志之最善者茲仿諸志之例分記圖表攷傳五篇圖

新纂雲南通志

卷一 凡例

表各附以說攷中亦附圖表以資互証

方志紀事其源甚古後世圖經反缺略不載宋施宿會稽志有討賊平亂二篇元張用鼎金陵新志創通紀一門以具歷代因革古今大要其體最善雲南范志有沿革大事表鄂志去之阮岑唐三志闕爲戎事一門於古今大事未能包舉茲詳攷史籍用編年體紀載本省大事始唐堯元載迄周顯王二十七年爲上古代自周顯王二十八年迄宋理宗淳祐五年爲中古代自元憲宗二年以至清季爲近古代

左圖右史義實相資舊志輿圖類皆簡略山西通志師賈耽之意分別朱墨以著地方沿革其意甚善而製圖尙未精良今世測繪之學日精製版之術亦巧茲就天文氣象作恆星圖風向圖就地理繪山

川形勢圖沿革圖清代府廳州圖現行設治區域圖前志所未備並將中樞預定之演繹界圖照刊以正疆界餘亦分別廣搜照片隨類插圖以啓愛鄉之思而爲攷古之助

司馬遷讀歷譜謀爰作諸表略辭紀要爲治國問者要刪自譜表之學失而文事遂繁子玄史通號稱閎識然謂表歷載諸史傳未見其宜不知以表爲文其用甚廣如地理沿革府縣邊界經緯度面積以及職官使命貢舉前志纂修題名之類數千言敘之而難明者以表叙之而已足茲於各圖之外分製各表以便綜覈而省繁蕪

舊志天文僅載星野祥異氣候星野之說殊難徵信以二十八宿盡分中國前人多訾其謬故熱河志芟去之阮志仍列此門條辯雖詳無裨曆象至祥異鄰於識緯已爲有識所詆後世侈言符瑞尤多貢

新纂雲南通志

卷五 凡例

三

誤茲專就星象授時之有紀載者分別列表並加以科學之說明其水汽光象旋風氣候物候等則列爲氣象攷以示天文地理之區別志紀方域故測量地望周步廣輪皆關重要今於地理就天然方面分爲地質形勢山脈江河湖澤泉潭等目就人爲方面分爲疆域津梁城池關塘官署古蹟塚墓等目均加詳攷補前志所未備至前志列風俗一目本志因長編中已有各種重要禮俗故不復述若考過去之風俗則前志具在可備覽也

滇號山國交通梗阻清中葉以前但有驛站航運故路政之興最爲急務演越鐵路成於外人喪失主權其未成者滇邑演蜀演緬三路亟宜自謀建築茲將已成未成各鐵路分別詳載以資參証其他關於交通各史實凡可攷者均備載焉

雲南跨溫熱兩帶地廣山多物產豐富前志列入食貨攷察未精今專設物產一門分動物植物礦物諸目照科學分類詳加說明使人知重視天然物品利用厚生胥視乎此惟科學進步一日千里後之視今亦猶今之視昔精密攷察仍俟來哲

人文進化初有語言我國文字雖屬統一而方言互異昔爾雅有釋言揚雄有方言繼之者王長孫作河洛語音王之珂作閩音必辨所載殊語限於一隅其例甚善滇南民族既繁土音亦雜而分歧學乳亦具有源流茲照阮岑唐三志例仍列方言一門詳攷各族語言並附各種文字亦可覘文化之演進與社會之變遷也

舊志藝文列子目四曰紀載演事之書曰演人著述之書曰金石曰雜著其有關各類詩文附於各類之下體例亦頗詳晰惟當時演人

新纂雲南通志

卷五 凡例

四

著述著錄無多今雲南叢書搜刻略備特依四庫提要例叙明前人著書之長於阮岑諸志未收諸書詳攷補錄其非演人著作而爲紀載演事之書亦依前例列入至金石應專列一門雜著詩文則已有滇南詩文略演詩嗣音集重光集拾遺演文叢錄演詩叢錄及諸總集別集等哀輯至豐詩文之徵與通志相輔而行故不重爲編次蓋亦同於章學誠方志三書之意也

吉金樂石或據之以証經字或援之以補史遺自宋以來斯學寔盛惟目錄家多列於藝文之末近代始有錄一省之金石爲一書者如畢氏中州金石志關中金石志是滇南金石阮志亦附於藝文於阮福滇南古金石錄外所增寥寥無幾茲專列金石一門自漢以降廣爲搜採用翁方綱兩漢金石志王昶金石萃編例詳加攷証訓釋間

有斷爛殘闕者亦照原文列入以資參考滇省石刻爲多金類較少銅鼓塔幢摩崖造象之類於史事有關者均爲補入此外如法帖滇人不乏佳製虞世璣趙士麟周於禮方玉潤劉樹堂皆有叢帖亦殿於末以存之

滇省自佛教最盛名山梵剎間出高僧此外道回諸教亦所在多有清季天主耶穌教徒聯袂而來各郡縣教堂林立入教者實繁有徒故於寺觀釋道外特列宗教一門惟各縣填送資料皆爲近時事蹟已彙入長編茲僅就佛教及天主教詳考其源流其他各教則以文獻徵集爲難補輯成章俟諸異日

李志有祀典羣祀二目而寺觀則別爲志范鄂兩志分目如前而寺觀附焉阮岑兩志皆於祠祀分爲三目曰典祀曰俗祀曰寺觀唐志則曰祠祭分二目曰壇廟曰寺觀今依阮志分目仍詳參各志而備載之

前人方志或分建置經政兩門或以建置統歸經政雲南舊志於建置一門外分列食貨學校祠祀武備秩官選舉諸門而以水利屬諸建置戶口屬諸食貨標目紛糅未盡適當今治化演進政務日繁非復往昔政綱所能賅括故分軍制學制農業工業礦業商業鹽務財政幣制荒政外交諸考其不能歸入以上諸類者則以庶政考統列於前俾治具畢張靡有遺漏

阮岑兩志有武備一門列子目三曰兵制曰戎事曰邊防茲改稱軍制將古代兵制暨綠營練軍防營團練新軍以及清季所設軍事機關之沿革詳考而備載之至舊志戎事改入大事記邊防則著邊裔

考可互証也

學制今昔不同古代學制如學宮試院學額書院義學等爲舊時人才所從出與其所以崇尚文教之典章制度皆爲詳考垂爲掌故科舉廢而學校興所有教育機關各級學校教育各種社會教育與夫本省各項特有之教育設施新舊遞嬗之際一一分別詳載之

滇省鹽礦舊爲食貨中之大端而山川阻深工商業皆未發達出口貨少入口貨多漏卮既鉅關稅金融皆受影響人民生計大爲枯瘠故農工商礦鹽務財政幣制等皆宜注重紀載加詳以謀補救之策倉儲原備凶荒全省有三迤豐備倉各府廳州縣乃至一鄉一聚亦各有倉推陳出新實古代常平之良法然往往官紳侵蝕流弊無窮此外如平糶賑卹義賑工賑等亦皆須得人而理茲設荒政一門備載各縣倉儲平糶成規及歷來救荒辦法以資考鑑期卹民善政不至成爲具文而天災流行亦可以有備無患

滇處西南極邊南界安南西界緬甸自緬越相繼淪於外人並遂居國防上重要地位清季以來外人傳教通商遊歷交涉日繁而界務已定者損失甚鉅未定者懸案待決此皆於領土主權關係極重唐志所紀洋務初創簡略稱名亦非茲列外交一門依據中央外交部之成案本省交涉署之檔案將歷來外交得失之林勒爲專篇以作後來之鑒戒

滇省既爲國防要衝前代邊防設施與外鄰關係亟待明瞭以資借鏡阮岑唐志有邊防圖及邊裔考尙嫌簡略茲輯邊裔考分爲邊防四裔兩門詳考而備載之